

**Memorandum  
o poslovno tehničkoj suradnji  
Privredne/gospodarske komore  
Federacije Bosne i Hercegovine**

**i**

**Univerzitet u Zenici, Politehnički fakultet Zenica**

**juni/lipanj, 2016.godine**

**Polazeći od zajednički izraženog interesa i spremnosti da svojim aktivnostima u okviru zakonskih nadležnosti, doprinesu stvaranju i poboljšanju poslovnog ambijenta, kao i unaprjeđenju međusobne saradnje na području Federacije BiH i Bosne i Hercegovine**

**Privredna/gospodarska komora Federacije BiH(u daljem tekstu Komora) sa sjedištem u Sarajevu, ulica Branislava Đurđeva br. 10/IV koju predstavlja i zastupa predsjednik, Mirsad Jašarspahić dipl. ing.maš.**

**i**

**Univerzitet u Zenici, Politehnički fakultet Zenica, ( u daljem tekstu Politehnički fakultet ), sa sjedištem u Zenici, ulica Fakultetska br.1. Zenica, kojeg predstavlja i zastupa v.prof.dr.sc. Sabahudin Jašarević**

**zaključili su dana 03.06 2016. godine u Sarajevu,**

## **Memorandum o poslovno tehničkoj suradnji**

### **I**

Polazeći od zakonskih i statutarних nadležnosti Privredne/Gospodarske komore F BiH i to:

- zastupanje interesa članova pred organima zakonodavne i izvršne vlasti prilikom oblikovanja privrednog sistema, posebno u pripremi zakonodavstva iz oblasti privrede, mjera i mehanizama privrednog sistema i mjera ekonomske politike, te davanje primjedbi i prijedloga organima državne uprave prilikom donošenja propisa od interesa za privredu,
- usklađivanje interesa članova,
- razmjena iskustava među članovima i programsko usmjeravanje i koordinacija aktivnosti privrednih subjekata ,
- poslovno savjetovanje – pružanje pomoći prilikom osnivanja novih i transformacije postojećih privrednih društava,
- prezentacija privrede i promocije robe i usluga u zemlji i inostranstvu, organiziranje nastupa na sajmovima, organiziranje prezentacija i promocija, izdavanje promotivnih publikacija i kataloga, prezentiranje privrede posredstvom Interneta, glasila Komore i drugih promotivnih aktivnosti,
- unapređivanje poduzetništva i menadžmenta, praćenje i prenošenje međunarodnih iskustava u tim oblastima, a naročito menadžmenta u oblasti sistema kvaliteta,
- analiza tržišnih mogućnosti i uvjeta privrednog razvitka, poslovno povezivanje i informiranje,
- poticanje istraživanja u oblasti naučno-tehnološkog razvoja, usklađivanje privrednih i društvenih interesa u oblasti ekologije, poticanje društveno odgovornog poslovanja,
- povećanje konkurentnosti privrede stalnim ponesima stručnog i poslovnog obrazovanja i profesionalne edukacije,
- organiziranje jedinstvenog informacionog sistema Komore i uspostavljanje i vođenje Privrednog registra ,
- vršenje javnih ovlaštenja koja su povjerena Komori odgovarajućim zakonskim i podzakonskim propisima, ovlaštenjima Vlada i drugih institucija;
- izdavanje odgovarajućih potvrda iz domena registra poslovnih subjekata, o bonitetu, o domaćem proizvodu, radnoj snazi, kontigentu i sl.

- poduzimanje mjera za poticanje i razvoj dobrih poslovnih običaja i poslovnog morala,
- obavljanje drugih poslova u skladu sa zakonima, drugim propisima i drugim aktima,

Privredna/gospodarska komora Federacije BiH u cilju realizacije ovog Memoranduma će:

- informisati **Politehnički fakultet** o aktivnostima, prijedlozima i mjerama koje se preduzimaju na nivou Federacije Bosne i Hercegovine, a koje se tiču visokoškolskog obrazovanja;
- dostavljati relevantne informacije o onim aktivnostima koje se na bilo koji način mogu naći u domenu djelovanja **Politehnički fakulteta**;
- koristiti stručna mišljenja, prijedloge, sugestije i zaključke **Politehnički fakulteta** u svrhu poboljšanja saradnje privrede i fakulteta;
- podržati aktivnosti fakulteta **Politehnički fakultet** u lobiranju kod domaćih i međunarodnih vladinih i nevladinih organizacija;
- kod međunarodnih školskih i visokoškolskih institucija ( vladinih i nevladinih ), te domaćih privrednih subjekata sugerisati saradnju sa **Politehnički fakultetom**;
- prisustvovati skupovima organizovanim od strane **Politehnički fakulteta** na kojima se raspravlja o problematici iz domena obrazovanja, saradnje sa privredom i nadležnim državnim institucijama;
- organizirati i aktivno učestvovati na edukativnim skupovima, u oblasti i temama iz okvira djelovanja **Politehnički fakulteta**;
- podržati **Politehnički fakultet** u realizaciji ovog Memoranduma u svim njegovim segmentima.

## II

**Politehnički fakultet** u saradnji sa Privrednom/Gospodarskom komorom Federacije Bosne i Hercegovine, a u skladu sa svojim zakonskim nadležnostima će :

- učestvovati u izradi zajedničkih projekata kod međunarodnih i domaćih organizacija kada se procijeni da je učešće **Komore** važno;
- informisati **Komoru** o rezultatima i teškoćama u poslovanju, prijedlozima za poboljšanje obrazovnih programa, prijedlozima za orijentaciju privrednog razvoja, kako bi se informacije koristile za definisanje mjera u oblasti tekuće, ekonomske i razvojne politike, i predlaganje propisa i mjera od interesa za privredu;
- učestvovati u zajedničkim delegacijama prilikom posjeta sličnim organizacijama u zemlji i inostranstvu;
- zajednički nastupati i organizovati tematske okrugle stolove za privrednike;
- zajednički učestvovati u izdavačko-informativnim aktivnostima;
- organizovati edukacije, u skladu sa izraženim interesom;
- pružati potporu **Komori** kod nadležnih institucija u cilju iznalaženja sistemskih rješenja iz područja djelovanja **Politehnički fakulteta**, za koje se procijeni mišljenje Komore i Mašinskog fakulteta je važno.

## III

Strane potpisnice su saglasne da međusobne obaveze materijalno – finansijske prirode izmiruju savjesno i blagovremeno prema ugovorenim uslovima po svakom konkretnom poslu, na temelju pojedinačnih Ugovora.

#### IV

Potpisnice ovog Memoranduma su saglasne da se isti zaključuje na neodređeno vrijeme, s tim da svaka od ovih strana može otkazati primjenu Memoranduma pismenim putem. U ovom slučaju primjena Memoranduma prestaje sa 31.12. one godine u kojoj se Memorandum pismeno otkáže .

#### V

Potpisnice ovog Memoranduma saglasne su da će svoje preuzete obaveze maksimalno konkretno i profesionalno izvršavati, u skladu sa dobrim poslovnim običajima. Potpisnice ovog Memoranduma su saglasne da sve eventualne nesporazume rješavaju dogovorom.

#### VI

Memorandum se zaključuje u četiri ( 4 ) istovjetna primjerka od čega svaka od strana potpisnica zadržava po dva ( 2 ) ovjereni i potpisani istovjetna primjerka Memoranduma .

**Privredna/gospodarska komora  
Federacije BiH**

**Univerzitet u Zenici  
Politehnički fakultet Zenica**



**Predsjednik**

**Dekan**

**Mirsad Jašarspahić dipl.ing.maš.**

**v.prof.dr.sc. Sabahudin Jašarević**

  
\_\_\_\_\_  


  
\_\_\_\_\_  


**Broj: 01-01.1- 455/16  
Sarajevo, 03.06.2016.godine**

**Broj: 1100-020-019/16  
Sarajevo, 03.06.2016.godine**